


Fritidstilskot til barn og unge i Samnanger kommune

Framlegg til prosjektplan



Prosjekt fritidstilskot

Prosjektnamn:

Fritidstilskot til barn og unge i Samnanger kommune.

Overordna mål:

- ✓ Motverka relativ fattigdom i Samnanger kommune.

Prosjektmål:

- ✓ *Fritidstilskot skal syte for at barn og unge i familiar som opplever at dei lever i relativ fattigdom i Samnanger kommune kan delta i fritidsaktivitet uavhengig av familien sin økonomi.*

Prosjektskildring kort oppsummert:

Midlar som er sett av til Fritidstilskot et avgrensa til kr. 1 000 000. Prosjektplanen for ei prøveordning med fritidstilskot er eit forslag til korleis midlar avsett til relativ fattigdom kan nyttast med størst mogleg måloppnåing. Fritidstilskot til barn og unge vert føreslått som ei prøveordning kor barn i familiar som opplever at dei lever i relativ fattigdom får tilskot til å delta i fritidsaktivitetar. Ordninga er tillitsbasert. Ein må søka om tilskot, men det er ikkje krav om dokumentasjon av privatøkonomi. Familielosen er kontaktperson og sakshandsamar for ordninga.

Målgruppe:

Barn og ungdom 6-18 år som lever i relativ fattigdom.

Prosjektstart: 01.01.24

Prosjektslutt: 31.12.24

1. Bakgrunn for prosjektet

1.1 Bakgrunn

I kommunestyret 08.12.22 fekk rådmann i oppgåve i å vurdere løysingar for å bekjempe relativ fattigdom i Samnanger kommune (KS-vedtak 079/2022). Som del av dette arbeidet bad kommunestyret rådmann om å vurdere ei løysing med tenestetilbod for familiar som lever i relativ fattigdom, og gjere ei vurdering av fritidskort som tiltak. Til kommunestyret 16.06.23 la rådmann fram sine vurderingar av tiltaka. Følgjande vart vedtatt:

KS-046/2023 Vedtak:

Samnanger kommune etablerer ny teneste kalla familielos. Denne vert lagt til einings for livsmeistring og skal ha følgjande føringar:

1. Stillingsstorleik 30 – 50 %.
2. Plan og informasjon for tenesta skal utarbeidast. Oppstart av tenesta skal skje seinast 01.01.24
3. Innsatsområda skal vera:
 - Tett-på-samarbeid med barnehagane, skulane og helseeininga for å drive førebyggjande arbeid. Dette skal skje etter oppsett plan og med fast saksliste.
 - Tett-på-arbeid inn mot familiar og einskildpersonar i Samnanger som opplever relativ fattigdom. Føremålet er å kunne bidra med konkret rådgjeving og rettleiing knytt til økonomiske – og øvrige forhold som kan påvirke levekår negativt. Familielosen skal kunne tilby relasjonell støtte, handlingsplan over tid, hjelp i møte med ulike øvrige tenesteområde (koordinering, tilrettelegging og oppfølgingsstøtte).
4. Det vert utarbeidd oversikt over aktuelle tiltak familielosen kan hjelpe med. I tillegg oversikt og funksjon som øvrige tenesteområde kan bidra med inn i arbeidet. Livsmeistring har koordineringsansvar.
5. Tilbodet er frivillig. Familielosen vil ha ei oppsøkande og inviterande tilnærming.
6. Kostnadane for tenesta skal dekkast innanfor budsjettramma til sektor helse og omsorg.
7. Tilbodet skal rapporterast om til kommunestyret saman med den årlege barnevenrsrapporteringa.

KS-051/2023 Vedtak (utdrag):

3. Kommunestyret godkjenner følgjande tiltak finansiert av disposisjonsfondet: Tiltak relativ fattigdom: - Tilskot til private – Fritidskort/fritidstilskot – 1 000 000 kr.

Verbalpunkt:

Rådmannen kjem attende i kommunestyret hausten 2023, etter at familielos er tilsett, med forslag til korleis midlar avsett til relativ fattigdom kan nyttast med størst mogleg måloppnåing.

1.2 Faktagrunnlag

Relativ fattigdom definisjon

I følge FN er relativ fattigdom er fattigdom sett i forhold til størstedelen av befolkninga i eit land. Om du er fattigare enn dei fleste andre i landet ditt, opplever du relativ fattigdom (www.fn.no).

Nasjonale forhold

FN sitt bærekraftsmål 1 har som mål å utrydde ekstrem fattigdom og halvere andelen mennesker som lever i relativ fattigdom (www.fn.no).

I følge den internasjonale rapporten om bærekraftsmåla har Noreg oppnådd delen av bærekraftsmål 1 om å utrydde ekstrem fattigdom. Delmål 1.2 seier at me skal halvere relativ fattigdom innan 2030, men i Noreg har dette gått i feil retning. Rundt 10 prosent av befolkninga har i dag vedvarande låginntekt – ei auke på 2,2 prosent frå tidlegare år. 3,6 prosent av befolkninga seier at dei ikkje har råd til å gå til tannlegen (www.fn.no).

Kva gjer Noreg bra?

Gode velferdsordningar som sjukepengar og pensjon, og lik rett til helsetenester og utdanning, reduserer ulikskap og sikrar befolkninga sine grunnleggjande behov. Høg deltaking i arbeidslivet og politikk som fremmar økonomisk vekst, bidreg til betre levekår for befolkninga (www.fn.no).

Kva gjer Noreg ikkje så bra?

Den største utfordringa er å sikra jamnare inntekt blant landet sine innbyggjarar, og sørge for at sårbare grupper ikkje hamnar utanfor arbeidslivet. Andelen barn som lever i familiar med vedvarande låginntekt aukar, og dette er noko myndigheitene er forplikta til å forbetra om me skal nå FNs bærekraftsmål (www.fn.no).

Lokale forhold

Andelen barn som bur i hushald med vedvarande låg inntekt er lågare i Samnanger kommune enn landsnivået. Vedvarande låg hushaldningsinntekt vil seie at den gjennomsnittlege inntekta i ein treårsperiode er under 60 prosent av median hushaldningsinntekt i Noreg (Folkehelseprofil 2023).

Tal på relativ fattigdom i kommunen veit me per i dag for lite om, men me veit at det fins relativ fattigdom i Samnanger, og at det er ei nasjonal utfordring.

Kva tiltak gjer Samnanger kommune for å motverka relativ fattigdom blant barn og unge?

Kommunestyret har vedtatt å etablere ny teneste kalla familielos (KS-046/2023 vedtak) og tilskot til private - fritidskort/fritidstilskot (KS-051/2023 vedtak). Kultureininga arrangerer gratis aktivitetstilbod om sommaren og elles i året og tilbyr gratis utlån av fritidsutstyr.

2. Prosjektskildring

2.1 Overordna mål

FNs bærekraftsmål: Halvere relativ fattigdom innan 2030.

Lokalt mål: Motverka relativ fattigdom i Samnanger kommune.

Føremål: Alle barn og unge i Samnanger kommune skal kunne delta i fritidsaktivitetar uavhengig av familien sin økonomi.

Overordna mål: *Fritidstilskot skal syte for at barn og unge i familiar som opplever at dei lever i relativ fattigdom i Samnanger kommune kan delta i fritidsaktivitet uavhengig av familien sin økonomi.*

Delmål 1. Gjere tilbod om fritidstilskot kjent for alle barnefamiliar i kommunen.

Delmål 2. Søke og oppnå kontakt med barnefamiliar som lever i relativ fattigdom.

Delmål 3. Gje fritidstilskot ut frå gitte retningslinjer.

Delmål 4. Skape dialog med frivillige lag og organisasjonar i kommunen som driv aktivitet for barn og unge om korleis ein saman kan motverka relativ fattigdom.

Delmål 5. Fleire barn og unge i målgruppa deltek i organisert fritidsaktivitet.

Delmål 6. Evaluera prosjektet.

2.3 Langsiktig mål

- Redusera relativ fattigdom i kommunen.
- Tilby tverrfagleg teneste til barnefamiliar som lever i relativ fattigdom.
- Alle barn og unge i Samnanger kommune deltek i ein organisert fritidsaktivitet.
- Motverka utanforskap.

2.3 Målgruppe

Barn og ungdom 6-18 år som lever i relativ fattigdom.

2.4 Tidsrom for prosjektet

Oppstart: 01.01.24

Sluttdato: 31.12.24

2.5 Kva vil me oppnå med prosjektet?

I ein rapporten «Sosial ulikhet i barn og unges deltakelse i organiserte fritidsaktiviteter» vert det gjort tydeleg at deltaking i organiserte fritidsaktivitetar for barn og ungdom er ei viktig kjelde til fellesskap, identitet og meistring, og det gjer dei ferdigheiter og erfaringar som har betydning seinare i livet. For mange i Noreg er då også fritidstilbod dom idrett, korps, speidar og andre aktivitetar i regi av frivillige organisasjonar ein sentral del av oppveksten. Samstundes tyder mykje på at ikkje alle barn og unge har dei same moglegheitene til å vera med i slike aktivitetar. Me veit at det er skilnader i både kven som deltek, kva aktivitetar dei deltek i, og kor ofte dei deltek. Desse skilnadane har mellom anna blitt forklart med foreldra sin økonomiske og sosiale bakgrunn eller som det ofte vert kalla «socioøkonomisk status». Det er grunn til å tru at socioøkonomiske skilnader fortsett å gjera seg gjeldande i barn og unge si deltaking i organiserte fritidsaktivitetar (Senter for forskning på sivilsamfunn og frivillig sektor).

Rapporten tek for seg analyse av tal frå Ungdata-undersøkinga perioden i 2015-2018 (sjå meir om Ungdata på www.ungdata.no)

Eit hovudfunn i rapporten er at det er tydelege sosiale skilnader, særskilt i idrett og kulturaktivitetar. Ungdom som har mest ressursar i heimen, er dei som i høgast grad deltek i organiserte fritidsaktivitetar, og skilnadane er betydelege. Når ein i rapporten skil mellom ulike typar organiserte aktivitetar, ser ein at foreldra sin socioøkonomiske bakgrunn slår ut for ungdommen si deltaking i idrett, for kulturorganisasjonar (som musikkskule og korps) og for regelmessig deltaking i andre organisasjonar. Når det gjelder regelmessig deltaking i religiøse aktivitetar finn ein midlertidig ikkje skilnader i foreldra sin socioøkonomiske bakgrunn og ungdom si deltaking, og når det deltaking i fritidsklubbar, så er samanhengen omvendt: Der er det ungdom frå heimar med lågast socioøkonomisk status som i størst grad deltek regelmessig.

Eit anna funn i rapporten er at ungdom med få økonomiske ressursar hadde ein noko mindre sannsynlegheit for å delta i idrett i 2018 enn kva dei hadde i 2015. Dette kan tyde på at økonomiske barrierar for deltaking i ungdomsidretten har auka i det korte tidsrommet.

Med dette prosjektet ønskjer Samnanger kommune syte for at barn og unge i familiar som opplever at dei lever i relativ fattigdom i kommunen kan delta i fritidsaktivitet uavhengig av familien sin økonomi. Me veit at terskelen for å søka om økonomisk støtte kan vera høg. Det er t.d. ikkje mange barnefamiliar i Samnanger som søker om sosialhjelp, sjølv om ein trur det er fleire som hadde hatt behov for det (NAV Samnanger). Me håper difor å gjera tilbodet om Fritidstilskot attraktivt for målgruppa med ei enkel og lågterskel søknadsordning som i all hovudsak er tillitsbasert.

2.6 No-situasjonen

Per 01.01.23 bur det 400 personar i aldersgruppa 6-18 år i Samnanger kommune (www.ssb.no).

Andelen barn som bur i hushald med vedvarande låg inntekt er lågare i Samnanger kommune enn landsnivået. Vedvarande låg hushaldningsinntekt vil seie at den gjennomsnittlege inntekta i ein treårsperiode er under 60 prosent av median hushaldningsinntekt i Noreg (Folkehelseprofil 2023).

Det er ikkje mange barnefamiliar i Samnanger som søker om sosialhjelp, og ein trur det er fleire som hadde hatt behov for det. Me veit for lite om relativ fattigdom i kommunen og har for få opplysningar til å sei noko om det, men går utifrå at det ikkje er så mykje annleis her enn på landsnivå. Gode lokale tiltak for å motverka relativ fattigdom er t.d. gratis-tilbod som

Sommarklubben, utstyrsbanken og dansekurs gjennom kulturskolen og frivilligsentralen (NAV Samnanger).

2.7 Korleis skal me oppnå målet?

Det kan vera ei utfordring å nå familiar som lever i relativ fattigdom. Om familiarne ikkje allereie er i hjelpeapparatet og det tilsynelatande ikkje er behov for hjelp, kan det ta lang tid før dei vert oppdaga. Skammen over å dårleg råd gjer at ein del familiar ikkje oppsøker hjelp. Det er difor vanskeleg å nå ut til alle (www.kirkensbymisjon.no).

Familielos

Den nyoppretta stillinga som familielos skal syte for tett-på-samarbeid med barnehagane, skulane og helseeininga for å drive førebyggjande arbeid. Familielosen skal også driva tett-på-arbeid inn mot familiar og einskildpersonar i Samnanger som opplever relativ fattigdom. Føremålet er å kunne bidra med konkret rådgjeving og rettleiing knytt til økonomiske – og øvrige forhold som kan påvirke levekår negativt. Familielosen skal kunne tilby relasjonell støtte, handlingsplan over tid, hjelp i møte med ulike øvrige tenesteområde (koordinering, tilrettelegging og oppfølgingsstøtte). Tilbodet skal vera frivillig og familielosen vil ha ei oppsøkande og inviterande tilnærming.

Fritidstilskot

I dette prosjektet vert det føreslått ei prøveordning med *Fritidstilskot til barn og unge 6-18 år* og at den vert lagt til familielosen. Fritidstilskot skal syte for at barn og unge i familiar som opplever at dei lever i relativ fattigdom i Samnanger kommune kan delta i fritidsaktivitet uavhengig av familien sin økonomi. Det er viktig at tilbodet vert gjort kjent for **alle** barn og unge og familiarne deira. Det vil vera familielosen som tek imot henvendinger om fritidstilskot. På denne måten får familielosen ein viss kunnskap om omfanget av relativ fattigdom blant barne- og ungdomsfamiliar i Samnanger, og familielosen får ein innfallsvinkel til tettare kontakt om familiarne ønsker det. Familiar som tek kontakt om fritidstilskot treng ikkje treng nytta seg av dei andre tenestene som familielosen tilbyr, men vil verta informert om kva familielosen kan bidra med.

2.8 Retningslinjer for fritidstilskot for barn og unge

Kva er fritidstilskot?

Fritidstilskot skal syte for at barn og unge i familiar som opplever at dei lever i relativ fattigdom i Samnanger kommune kan delta i fritidsaktivitet uavhengig av familien sin økonomi.

Kven kan søke?

Denne ordninga er for familiar som opplever at barnet/barna deira ikkje kan delta i fritidsaktivitetar av økonomiske årsaker.

Kva kan ein søke om tilskot til?

Det vert gitt tilskot til fritidsaktivitetar for barn i aldersgruppa 6-18 år. Søknader og utbetaling av tilskot vert handsama fortløpande.

Ein kan til dømes søke om tilskot til:

- Medlemskontingent
- Elevkontingent
- Kurs/cup/leir
- Nødvending trening-/øvingsutstyr og/eller klede

- Inngangsbilletter til kino m.m.

Korleis søke?

Ordninga er tillitsbasert. Det vert ikkje stilt krav til dokumentasjon av privatøkonomi. Ein søker om fritidstilskot ved å fylle ut søknadsskjema (digital lenke) og sende det til tenesta familielos i Samnanger kommune.

Tildelingskriteria og prioriteringar.

- Søknadsåret føl kalenderåret (f.o.m januar t.o.m. desember).
- Ordninga er tillitsbasert og det vert ikkje stilt krav til dokumentasjon av privatøkonomi.
- Tilskotet skal dekke reelle utgifter og søkar må vise til kostnadsutgifter i søknaden.
- Det vert gitt inntil kr. 3 000,- per born per året. I særskilte tilfelle vert det gitt inntil kr. 6 000.
- Det er høve til å søka om tilskot fleire gongar fram til maksgrensa per barn er nådd.
- Søkar vil få tilbod om rådgjeving frå familielosen.

Handsaming av søknad

Søknaden vert handsama som delegert vedtak ved eining for livsmeistring. Søknader vert handsama fortløpande og ein kan venta utbetaling for godkjente søknader innan fortrinnsvis fem verkedagar etter mottatt søknad.

2.9 Søknadsskjema

FRITIDSTILSKOT FOR BARN OG UNGE

Ordninga *Fritidstilskot for barn og unge* er for familiar som opplever at barnet/barna deira ikkje kan delta i fritidsaktivitetar av økonomiske årsaker. Det vert gitt tilskot til fritidsaktivitetar for barn i aldersgruppa 6-18 år. Søknader og utbetaling av tilskot vert handsama fortløpande.

Tildelingskriteria og prioriteringar:

- Søknadsåret føl kalenderåret (f.o.m januar t.o.m. desember).
- Ordninga er tillitsbasert og det vert ikkje stilt krav til dokumentasjon av privatøkonomi.
- Tilskotet skal dekke reelle utgifter og søkar må vise til kostnadsutgifter i søknaden.
- Det vert gitt inntil kr. 3 000,- per born per året. I særskilte tilfelle vert det gitt inntil kr. 6 000.
- Det er høve til å søka om tilskot fleire gongar fram til maksgrensa per barn er nådd.
- Søkar vil få tilbod om rådgjeving frå familielosen.

OPPLYSNINGAR OM SØKAR

For- og etternamn:	
Adresse:	Postnummer/stad:
E-post og telefonnummer:	
Namn på barnet:	Fødselsdato (dag/mnd,år):
Signatur	Kontonummer:

Er barnet med i ein eller fleire organisert fritidsaktivitetar i dag?

KVA DET VERT SØKT OM TILSKOT TIL

Kontingent/utstyr/reise/klede	Medrekna kostnader:

Fritidstilskot til barn og unge i Samnanger kommune er i første omgang ei prøveordning som varer fram til 31.12.24. Me håper at ordninga vil gje ein positiv effekt for barne- og ungdomsfamiliar som opplever stram økonomi, og treng tilbakemelding. På slutten av året vil me be søkerar om ei evaluering av ordninga. Det vert sendt ut spørjeskjema som skal svarast anonymt.

Tilbod om rådgjeving ved famielosen

Ved å søka om fritidstilskot for barn og unge vil søker få tilbod frå famielosen om rådgjeving og rettleiing. Tilbodet er frivillig. Sjå meir informasjon om tenesta på www.samnanger.kommune.no.

Handsaming av søknad

Søknaden vert handsama som delegert vedtak ved eining for livsmeistring. Søknader vert handsama fortløpande og ein kan venta utbetaling for godkjente søknader innan fortrinnsvis fem verkedagar etter mottatt søknad.

Ber om at søknad vert sendt (på epost eller digitalt) til famielosen i Samnanger kommune:
famielos@samnanger.kommune.no

3. Prosjektorganisering

3.1 Ansvarsforhold

Prosjekteigar:	Samnanger kommune
Prosjektansvarleg:	rådmann, Ove Sæbø
Prosjektleiar:	einingsleiar kultur, Meline H. Haugland
Styringsgruppe:	einingsleiar livsmeistring, famielos, einingsleiar kultur
Andre involverte:	barnehagar, barneskule, ungdomsskule, helsetenesta, flyktningetenesta
Samarbeidspartar:	frivillige lag og organisasjonar

3.2 Øvrige roller

Kontaktperson og sakshandsamar:

Famielosen vil vera kontaktperson for ordninga med fritidstilskot, sakshandsamar for søknader og sende ut skjema for evaluering til referansegruppe 1.

Prosjektleiar:

Prosjektleiar kallar inn til møter i styringsgruppa og referansegruppe 2. og syt for treffpunkt med referansegruppe 3. Prosjektleiar informerer om status til rådmann.

Referansegruppe 1:

Søkarar. Dei blir bedt om å evaluere ordninga i løpet av august 2024.

Referansegruppe 2:

Det bli oppretta ei referansegruppe for prosjektet bestående av referansar for frivillige lag og organisasjonar som driv fast organisert fritidsaktivitet for barn og unge i Samnanger kommune. Det er dei som er tettast på barn og ungdom som driv organisert fritidsaktivitet i kommunen, og har truleg ein del kunnskap om kor «skoen trykker» for dei som ikkje har høve til å delta. Frivillige lag og organisasjonar vert ein viktig samarbeidspart i prosjektet både når det gjelder kjennskap til problemstillinga, informasjonsdeling og evaluering.

Referansegruppe 3:

Representantar for Vassloppa barnehage, Dråpeslottet barnehage, Aadland gards- og friluftsbarnhage, barneskulen, ungdomsskule, helsetenesta, flyktningetenesta, NAV, kulturskule og frivilligsentral.

4. Omfang og tiltak

Tiltak 1. Prosjektplan til politisk handsaming	
Bakgrunn	Kommunestyrevedtak 046/2023 og 051/2023.
Tiltak	Prosjektplanen er svar på KS-vedtak 051/2023: Rådmannen kjem attende i kommunestyret hausten 2023, etter at famiilielos er tilsett, med forslag til korleis midlar avsett til relativ fattigdom kan nyttast med størst mogleg måloppnåing.
Ansvar:	Prosjektleiar.
Tidsrom	Desember 2023.
Utgift:	Kr. 0,-

Tiltak 2. Informasjon om ordninga til andre involverte i organisasjonen (referansegruppe 3.)	
Bakgrunn	Det er vesentleg at alle tenester som er i kontakt med barnefamiliar får god informasjon om ordninga før oppstart. Ein viktig premiss for tiltaket er å nå alle barnefamiliar med direkte informasjon eller i relevante kanalar for desse. Dei ulike instansane har også gjerne eigne tiltak som stettar målet for ordninga.
Tiltak	Førebuande møte i samband med lansering av ordninga.
Ansvar:	Styringsgruppa. Prosjektleiar kallar inn til møte.
Tidsrom	Januar 2024.
Utgift:	Kr. 0,-

Tiltak 3. Samarbeid med frivillige lag og organisasjonar (referansegruppe 2.)	
Bakgrunn:	Det naudsynt å ha god dialog med frivillige lag og organisasjonar som driv fritidsaktivitetar for barn og er tett-på målgruppa og deira familiar. Ein viktig premiss for tiltaket er å nå alle barnefamiliar med direkte informasjon eller i relevante kanalar for desse. Frivillige lag og organisasjonar har også gjerne eigne tiltak som stettar målet for ordninga.
Tiltak:	Førebuande møte i samband med lansering av ordninga.
Ansvar:	Styringsgruppa. Prosjektleiar kallar inn til møte.
Tidsrom:	Januar 2024. Oppfølgingsmøte snarast etter sommarferien 2024.
Utgift:	Kr. 200,-

Tiltak 4. Lansering av ordning med Fritidstilskot	
Bakgrunn	For at tilbod om fritidstilskot skal nå ut til alle barnefamiliar som opplever at dei lever i relativ fattigdom er det eit føremon at tilbodet når ut til alle barnefamiliar, og at alle har tilgong på same informasjon.
Tiltak	• All relevant informasjon om ordninga med fritidstilskot vert gjort tilgjengeleg på kommunen si heimeside. • Det vert laga flyers med informasjon tilknytt tiltak 5. • Kunngjering og intervju i lokalavisa Samningen.
Ansvar:	• Prosjektleiar • Prosjektleiar • Styringsgruppa
Tidsrom	Februar 2024. Oppfølging av tiltak snarast etter sommarferien 2024.

Utgift:	Kr. 2 000,-
---------	-------------

Tiltak 5. Informasjonstiltak	
Bakgrunn	For at tilbod om fritidstilskot skal nå ut til alle barnefamiliar som opplever at dei lever i relativ fattigdom er det eit føremon at tilbodet når ut til alle barnefamiliar.
Tiltak	Samarbeid med referansegruppe 2. og 3 om informasjonsdeling: Informasjon via «ranselpost», foreldremøter, flyers, vigilo, sosiale media, heimesider etc.
Ansvar:	Referansepersonar i referansegruppe 2. og 3.
Tidsrom	Februar 2024.
Utgift:	Kr. 2 000,-

Tiltak 6. Evalueringsskjema referansegruppe 2. og 3.	
Bakgrunn	Prøveperioden må evaluerast med omsyn til vidare drift av ordninga.
Tiltak	Dialogmøte med referansegruppe 2. og 3. om ordninga.
Ansvar:	Styringsgruppa. Prosjektleiaren kallar inn til møte.
Tidsrom	August 2024.
Utgift:	kr. 200

Tiltak 6. Evaluering frå referansegruppe 1.	
Bakgrunn	Den viktigaste tilbakemeldinga på ordninga kjem frå søkarane. Prøveperioden må evaluerast med omsyn til vidare drift.
Tiltak	Evalueringsskjema, og dialog mellom søkar og familieløse.
Ansvar:	Familieløse
Tidsrom	August 2024.
Utgift:	Kr. 0,-

5. Oppfølging og tidsplan

2023	Desember	Prosjektplan til politisk handsaming
		Lage informasjonsmateriell
2024	Januar	Førebuande møter med referansegruppe 2. og 3.
	Februar	Lansering av ordning med Fritidstilskot
	Juni	Prosjektstatus til rådmann og kommunestyre
	August	Informasjon om ordninga med Fritidstilskot ved nytt skuleår
	August	Evaluering
	Desember	Vidare gong for ordninga med Fritidstilskot til politisk handsaming

6. Risikovurdering

Midlar som er sett av til Fritidstilskot et avgrensa til kr. 1 000 000. Prosjektplanen for prøveordning med Fritidstilskot er eit forslag til korleis midlar avsett til relativ fattigdom kan nyttast med størst mogleg måloppnåing.

Ei usikkerheit med ordninga er at me ikkje veit kor mange som er i målgruppa, eller som vil nytta seg av tilbodet. Det kan vera alt frå 0 til 400 barn og unge som opplever at dei er i målgruppa. I og med at me opnar opp for at alle i utgangspunktet kan søka – og søknadsordninga er tillitsbasert – kan me i realiteten stå att med fleire søknader enn det er pengar å dela ut. Det er ein risiko, men det er truleg veldig liten sjans for at det vil skje.

NAV Samnanger opplever få søknader om sosialhjelp. Terskelen for å søke økonomisk hjelp verkar å vera høg for mange. Ei enkel, lågterskelordning basert på tillit vil forhåpentlegvis gjera det meir attraktivt for målgruppa å søka tilskot.

Relativ fattigdom er i stor grad ei subjektiv kjensle. Med svært få krav om dokumentasjon er det vanskeleg for sakshandsamar å veta om søkarane verkeleg er i målgruppa, og om tilskotet vert nytta som det skal. Ei kvalitetssikring på dette får ikkje sakshandsamar før ein eventuell ny søknad då det er krav om kvittering på bruk av tidlegare tildelt tilskot. Me foreslår likevel denne typen løysning då gevinsten med tilskot til dei som verkeleg treng det og kontakten ein kan få med familiane, er større enn risikoen for ukorrekte tildelingar i prøveperioden.

I dette forslaget er det sett maksgrænse per barn på kr. 3 000 og kr. 6 000, og ikkje maks grænse for tilskot per aktivitet. Tanken er at det å få delta i sjølve aktiviteten er hovudfokus. Kva faste organiserte fritidsaktivitetar kostar varierer.

6.1 Fritidskort VS. Fritidstilskot

Fritidskortet er ei etter kvart godt utprøvd ordning, og mange kommunar er nøgde med dette tiltaket. Nokre kommunar har avslutta tiltaket av ulike grunnar. Det som er fint med fritidskortet, er at alle kan få det, og ikkje berre utsette grupper. Dette er med på å redusera stigmatisering når ein nyttar kortet. Ulempa med dette er at fritidskortet også går til familiar som ikkje har behov for økonomisk tilskot til fritidsaktivitetar, og at ein då fordeler midlane på langt fleire enn dei som nødvendigvis treng det. Ved å innvilga eit fritidstilskot, vil ein kunne nå den rette målgruppa direkte, og få meir nytte av midlane som er løyvd til tiltaket.

7. Kostnad og finansiering

7.1 Kostnadsbudsjett

Utgifter	Kr.
Flyers	1 600,-
Annonse, Vigilo	2 000,-
Servering møter	400,-
Fritidstilskot	996 000,-
Sum utgifter	1 000 000,-

7.2 Finansiering

Samnanger kommune jf. KS-vedtak 051/2023	1 000 000,-
--	-------------

8. Måloppnåing og dokumentasjon

Korleis måle effekt og måloppnåing ved prosjektslutt?

- Dokumentasjon på tal på søknader og tildelingar.
- Tilbakemelding/evaluering frå søkerar og tilskotsmottakarar.
- Dokumentasjon på tal medlemmar/deltakarar i frivillige lag og organisasjonar før og etter prosjektstart.
- Tilbakemelding/evaluering frå frivillige lag og organisasjonar før og etter prosjektstart.
- Styringsgruppa evaluerer resultat ut frå måloppnåing, kvalitative og kvantitative kjelder.

9. Evaluering

9.1 Evalueringsskjema for mottakar av tilskot

- Spørsmål i samband med evaluering av prøveordning med Fritidstilskot for barn og unge

1. Har du mottatt tilskot frå ordninga *Fritidstilskot for barn og unge* i Samnanger kommune?
2. Korleis fekk du kjennskap til ordninga?
3. Kva har ordninga Fritidstilskot bidratt til for ditt barn/dine barn?
4. Kva ville konsekvensen vore for ditt barn/dine barn utan denne ordninga?
5. Kva meiner du er positivt med *Fritidstilskot for barn og unge* slik ordninga er i dag?
6. Er det noko med ordninga du tenkjer burde vore annleis?
7. Er det andre tiltak du meiner ville vore meir nyttig?

9.2 Evalueringsspørsmål for referansegruppe 2

- Spørsmål i samband med evaluering av prøveordning med Fritidstilskot for barn og unge

1. Har tal medlemmar/brukarar auka i prosjektperioden?
2. Korleis har de informert om ordninga til dykkar medlemmar/brukarar?
3. Kva meiner de er positivt med *Fritidstilskot for barn og unge* slik ordninga er i dag?
4. Er det noko med ordninga de tenkjer burde vore annleis?
5. Har de sett i gong eigne tiltak for å motverka relativ fattigdom i løpet av prosjektperioden?

9.3 Evalueringsdialog med referansegruppe 3

1. Korleis har de informert om ordninga til dykkar brukarar?

2. Er de vorte kontakta med spørsmål om ordninga?
3. Kva meiner de er positivt med *Fritidstilskot for barn og unge* slik ordninga er i dag?
4. Er det noko med ordninga de tenkjer burde vore annleis?
5. Har de sett i gong eigne tiltak for å motverka relativ fattigdom i løpet av prosjektperioden?

9.4 Evalueringsspørsmål for styringsgruppa

1. Har me følgd prosjektplanen?
2. Har det oppstått utfordringar?
3. Korleis evaluerer søkarane ordninga?
4. Korleis evaluerer referansegruppe 2 og 3 ordninga?
5. I kva grad har me oppnådd prosjektmåla?

Kjelder:

KS-vedtak 034-2022 Kommunal ordning med fritidskort for barn i Samnanger 6-18 år

KS-vedtak 079-2022 Budsjett og økonomiplan 2023-2026

KS-vedtak 046-2023 Vurdering av tiltak for å bekjempe relativ fattigdom

KS-vedtak 051-2023 Godkjenning av rekneskap Samnanger kommune 2022

KS-sak 051-2023 Notat om fritidskort el. Fritidstilskot

FN-sambandet: www.fn.no

Ungdataundersøkinga: Hjemmeside - Ungdata

Statistisk sentralbyrå: [Statistisk sentralbyrå \(ssb.no\)](http://Statistisk sentralbyrå (ssb.no))

Kirkens bymisjon: Kirkens Bymisjon - Kirkens Bymisjon

Folkehelseinstituttet Folkehelseprofil Samnanger kommune 2023:

[Folkehelseprofil-2023-nn-4623-Samnanger \(6\).pdf](http://Folkehelseprofil-2023-nn-4623-Samnanger (6).pdf)

Sosial ulikhet i barn og unges deltakelse i organiserte fritidsaktiviteter 2021:

[Institute for Social Research - Open Arcive: Sosial ulikhet i barn og unges deltakelse i organiserte fritidsaktiviteter \(unit.no\)](http://Institute for Social Research - Open Arcive: Sosial ulikhet i barn og unges deltakelse i organiserte fritidsaktiviteter (unit.no))